

**Razvojna banka Federacije
Bosne i Hercegovine
Predsjednik Uprave**

Broj: 1644-IX/19
Sarajevo, 26.2.2019.godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), Zapisnika o ocjeni konačne ponude ponuđača broj 1587-IX/19 od 25.2.2019. godine, člana 20. Statuta Razvojne banke Federacije Bosne i Hercegovine (u daljem tekstu: Banka), u postupku javne nabavke usluga održavanja i tehničke podrške jezgru informacionog sistema Banke, donosim

ODLUKU

o izboru ponuđača za nabavku usluga održavanja i tehničke podrške jezgru informacionog sistema u Razvojnoj banci Federacije BiH za 2019. godinu

Član 1.

Prihvata se konačna ponuda ponuđača PING d.o.o. Sarajevo, Jukićeva 36, 71000 Sarajevo, broj ponude 344/2018 u postupku javne nabavke putem pregovaračkog postupka bez objave obavještenja o nabavci za nabavku usluga održavanja i tehničke podrške jezgru informacionog sistema u Razvojnoj banci Federacije BiH.

Član 2.

Ukupna cijena konačne ponude iznosi 99.800,00 KM, što u konačnici s uračunatim PDV-om iznosi 116.766,00 KM (slovima: stotinušesnaest hiljadasedamstotinašezdeset šest KM).

Član 3.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rbfbi.ba, istovremeno s upućivanjem iste ponuđaču koji je sudjelovao u ovom postupku.

Član 4.

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

Član 5.

Za realizaciju ove odluke zadužuje se Sektor za podršku poslovanju.

OBRAZLOŽENJE

Odlukom broj 10085-IX/18 od 3.12.2018. godine odobreno je pokretanje postupka javne nabavke usluga održavanja i tehničke podrške jezgru informacionog sistema Banke, za period od 12 mjeseci.

Shodno navedenom, Razvojna banka Federacije BiH, na svojoj web stranici objavila je informaciju da na osnovu člana 21. stav (1) tačka c) Zakona o javnim nabavkama, namjerava provoditi pregovarački postupak bez objave obavještenja o nabavci za nabavku usluga održavanja i tehničke podrške jezgru informacionog sistema u Razvojnoj banci Federacije BiH za period od 12 mjeseci i to sa ponuđačem PING d.o.o. Sarajevo, Jukićeva 36, Sarajevo, jer se usluga može isključivo nabaviti od ponuđača PING d.o.o. Sarajevo koji je razvijao ABIS i vlasnik je izvornog koda (Source code) aplikacija, te ugovaranje održavanja ABIS aplikacija sa bilo kojim drugim pružaocem usluga, a bez otkupa izvornog koda, ne bi bilo moguće.

Poziv za dostavljanje zahtjeva za učešće, odnosno tenderska dokumentacija upućena je ponuđaču PING d.o.o. Sarajevo dana 4.12.2018. godine, a u informaciji, objavljenoj na web stranici, navedeno je da će Ugovorni organ-Razvojna banka Federacije BiH, Igmanska 1, Sarajevo učiniti dostupnom tendersku dokumentaciju za sve zainteresovane kandidate/ponuđače.

U utvrđenom roku, ponuđač PING d.o.o. Sarajevo je dostavio zahtjev za učešće sa kvalifikacionom dokumentacijom, nakon čega je Komisija za nabavke imenovana Odlukom Ugovornog organa broj 10086-III/18 od 3.12.2018. godine sačinila Zapisnik o rezultatu pretkvalifikacije kandidata broj 10468-IX/18 od 13.12.2018. godine, te je na osnovu istog donesena Odluka o rezultatima pretkvalifikacije u pregovaračkom postupku javne nabavke bez objave obavještenja o nabavci broj 10564-IX/18 od 18.12.2018. godine.

Odlukom o rezultatima pretkvalifikacije broj 10564-IX/18 od 18.12.2018. godine je konstatovano da je ponuđač PING d.o.o. Sarajevo kvalifikovan za izvršenje usluga održavanja i tehničke podrške jezgru informacionog sistema u Razvojnoj banci Federacije BiH.

S tim u vezi, dana 19.12.2018. godine, ponuđaču PING d.o.o. Sarajevo je dostavljen poziv za dostavljanje početne ponude.

Nakon dostavljanja početne ponude u utvrđenom roku, Komisija za nabavke sačinila je Zapisnik o pregledu i ocjeni početne ponude broj 10910-IX/18 od 27.12.2018. godine, a ponuđaču PING d.o.o. Sarajevo, dana 4.1.2019. godine, dostavljen je poziv za pregovore.

Tokom pregovora, pregovarano je o ekonomskim, tehničkim, pravnim i drugim aspektima ugovora, na način da se dobiju neophodne usluge koje se mogu uklopiti u planirani iznos nabavke.

Pregovori su započeti 9.1.2019. godine i trajali do 15.2.2019. godine, a Zapisnikom o pregovorima broj 1450-IX/19 od 20.2.2019. godine, koji je obostrano potpisan, konstatovano je da je, zbog značajne dužine pregovaračkog postupka, u toku pregovora PING d.o.o. Sarajevo obavljao usluge održavanja i tehničke podrške jezgru informacionog

sistema, jer je PING d.o.o. Sarajevo jedini ponuđač koji je ovlašten pružiti usluge održavanja i tehničke podrške jezgru informacionog sistema (zbog vlasništva na izvornim kodom ABIS IS), te Banka, u toku pregovora nije bila u mogućnosti tražiti drugog isporučiooca usluga, a nije mogla ostati bez podrške i održavanja informacionog sistema, jer bi to izazvalo ozbiljno povećanje rizika u njenom radu.

U toku pregovora, a imajući u vidu da je PING d.o.o. Sarajevo jedini ponuđač koji je ovlašten pružiti usluge održavanja i tehničke podrške jezgru informacionog sistema u Banci (zbog vlasništva nad izvornim kodom ABIS IS) utvrđeno je i usaglašeno da PING d.o.o. Sarajevo i Razvojna banka Federacije BiH nastavljaju saradnju na održavanju i razvoju informacionog sistema ABIS, pri čemu Banka koristi usluge održavanja i tehničke podrške jezgru informacionog sistema (što uključuje ABIS IS, sistemski softver i ključni hardver na kojem informacioni sistem funkcioniše), od datuma potpisa ugovora do 31.12.2019. godine, a sve usluge izvršene u periodu pregovora, odnosno od 1.1.2019. godine do dana zaključenja ugovora bit će uključene u ukupnu cijenu ugovora.

U skladu sa prethodnim navodima iz Zapisnika o pregovorima broj 1450-IX/19 od 20.2.2019. godine, koji je obostrano potpisan, ponuđaču PING d.o.o. Sarajevo je upućen poziv za dostavljanje konačne ponude.

Rok za dostavljanje konačne ponude bio je 25. februar do 12:00 h, a konačna ponuda je dostavljena dana 25.2.2019. godine u 10:15 h.

Komisija za nabavke izvršila je otvaranje, pregled i ocjenu konačne ponude, te je u svom Zapisniku broj 1587-IX/19 od 25.2.2019. godine konstatovala da je ponuda ponuđača PING d.o.o. Sarajevo prihvatljiva, sadrži sve podatke i dokumentaciju, te je u skladu sa zaključcima sa pregovora.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude.

Uvažavajući sve prethodno navedeno, a prvenstveno činjenicu da je održavanje i tehnička podrška jezgru informacionog sistema Banke ključna usluga za kontinuiran i siguran rad informacionog sistema, pa i Banke u cjelini, kao i da je PING d.o.o. Sarajevo vlasnik izvornog koda (Source code) aplikacija, te ugovaranje održavanja ABIS aplikacija sa bilo kojim drugim pružaocem usluga, a bez otkupa izvornog koda, ne bi bilo moguće, te da je ponuda ponuđača prema kriteriju za izbor ponude (najniža cijena) ocijenjena prihvatljivom, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba najkasnije u roku od 10 (deset) dana od dana prijema Odluke saglasno članu 97. i 101. Zakona o javnim nabavkama.



Predsjednik Uprave

Salko Selman